

Napadač na džamiju u Kuvajtu je bio Saudijac



ABNA: U izjavi koju su dali zvaničnici za novinsku agenciju KUNA u nedjelju, Ministarstvo unutrašnjih poslova Kuvajta je napadača na džamiju u toj zemlji identifikovalo kao Fahda Sulejmana Abdulmohsena Al-Kaba'a, državljanina Saudijske Arabije, rekavši da je on u Kuvajt stigao u petak u zoru.

U bombaškom napadu, koji je izveden 26. juna u džamiji „Imam Sadik“ u gradu Kuvajtu, ubijeno je 26, a preko 220 vjernika je povrijeđeno. Odgovornost za napad preuzela je tekfirijska teroristička grupa IDIŠ.

Kuvajtsko Ministarstvo unutrašnjih poslova nije dalo više detalja o napadaču. Prije toga, kuvajtski zvaničnici su izjavili da su sigurnosne snage uhapsile vozača auta koji je napadača dovezao do mjesta napada, dok je priveden i vlasnik kuće u kojoj je on boravio.

Ministarstvo je vlasnika automobila opisalo kao kuvajtskog državljanina koji je pristalica ekstremne i devijantne ideologije. Također, vozač auta je u zemlji boravio ilegalno, a rođen je 1989. I vlasnik automobila je također uhapšen.

IDIŠ je slične bombaške napade izveo i u Saudijskoj Arabiji i u Jemenu tokom proteklih sedmica.